

Dikemas kini pada 5 April 2021

## PROMOSI RAYA DEPOSIT TETAP DALAM TALIAN/DEPOSIT TETAP-i DALAM TALIAN

### TEMPOH PROMOSI

1. “Promosi RAYA Deposit Tetap Dalam Talian/Deposit Tetap-i Dalam Talian” (“Promosi”) Hong Leong Bank Berhad [193401000023 (97141-X)] (“HLB”) dan Hong Leong Islamic Bank Berhad [200501009144 (686191-W)] (“HLISB”) (secara kolektif dirujuk sebagai “Bank”) bermula pada 12 Mei 2021 dan berakhir pada 28 Mei 2021, termasuk kedua-dua tarikh, atau apabila mencapai jumlah saiz dana seperti yang dinyatakan dalam Klausa 12 di bawah, mengikut mana-mana yang dahulu (“Tempoh Promosi”), melainkan diberitahu sebaliknya.

### Terma & Syarat

Terma dan syarat Promosi adalah seperti berikut:

### KELAYAKAN

2. Promosi terbuka kepada semua individu yang merupakan pemegang akaun yang baru and sedia ada bagi Akaun Semasa atau Simpanan HLB / Akaun Semasa-i atau Simpanan-i HLISB (“CASA/CASA-i”) dan yang telah mendaftar diri untuk Perbankan Dalam Talian Hong Leong Connect dan Perbankan Mudah Alih Hong Leong Connect (“Hong Leong Connect”) sebelum atau semasa Tempoh Promosi (“Pelanggan”). Pelanggan layak membuka atau mengendalikan Akaun Deposit Tetap Dalam Talian / Deposit Tetap-i Dalam Talian (“eFD/eFD-i”) melalui Hong Leong Connect. Bagi mengelakkan keraguan, pemegang CASA/CASA-i bersama TIDAK layak membuka atau mengendalikan Akaun eFD/eFD-i dan TIDAK layak menyertai Promosi ini.
3. Pelanggan yang telah melakukan atau disyaki melakukan penipuan atau kesalahan undang-undang berkaitan dengan mana-mana kemudahan yang diberi oleh Bank atau telah diisytiharkan muflis atau bakal dikenakan prosiding kemuflian pada bila-bila masa sebelum atau semasa Tempoh Promosi TIDAK layak menyertai atau akan serta-merta dilucutkan kelayakannya daripada menyertai Promosi.
4. Pelanggan yang telah melakukan, atau ditentukan oleh Bank berpotensi melakukan sebarang perbuatan salah yang dinyatakan di dalam ini akan dilucutkan kelayakannya daripada menyertai Promosi.

### KAEDAH PROMOSI

5. Pelanggan yang membuat peletakan deposit melalui Hong Leong Connect bagi amaun antara Amaun Peletakan eFD/eFD-i Minimum sehingga Amaun Peletakan eFD/eFD-i Maksimum (“Amaun eFD/eFD-i”) ke dalam Akaun eFD/eFD-i yang baharu atau sedia ada masing-masing bagi Tempoh berkenaan yang ditetapkan dalam Jadual 1 di bawah ini semasa Tempoh Promosi adalah berhak menikmati Kadar Promosi eFD/eFD-i sepadan dalam Jadual 1 berikut:

Jadual 1

Tempoh Promosi	Tempoh	Kadar Promosi eFD/eFD-i <sup>1</sup>	Amaun Peletakan eFD/eFD-i Minimum	Amaun Peletakan eFD/eFD-i Maksimum
23 Mac 2021 – 30 Jun 2021	3-bulan	2.30% setahun	RM10,000	RM2,000,000
	6-bulan	2.35% setahun		
	12-bulan	2.35% setahun		
	18-bulan	2.40% setahun		
	24-bulan	2.40% setahun		
12 Mei 2021 – 28 Mei 2021	6-bulan	2.40% setahun	RM10,000	RM2,000,000
	12-bulan	2.40% setahun		

<sup>1</sup> Sekiranya ada perubahan Kadar Dasar Semalaman (OPR), Kadar Promosi eFD/eFD-i akan disemak semula.

6. Pelanggan yang telah memenuhi kriteria dalam Klausa 5 di atas dirujuk sebagai “Pelanggan Layak”.

7. Bagi tujuan Promosi ini, Amaun Peletakan eFD/eFD-i mestilah daripada bank lain melalui Financial Process Exchanges (“**FPX**”). FPX adalah suatu cara pembayaran selamat dalam talian yang memudahkan pindahan dana antara bank, dipermudahkan oleh Payments Network Malaysia Sdn. Bhd. (“**PayNet**”). Butiran lanjut berkaitan dengan FPX boleh disemak di <https://www.paynet.my/business-fpx.html>
8. Kadar Promosi eFD/eFD-i diterima pakai untuk satu (1) kali sahaja, iaitu hanya dipakai semasa peletakan awal eFD/eFD-i. Pada tamat tempoh, sebarang pembaharuan automatik Amaun Peletakan eFD/eFD-i pokok akan tertakluk kepada kadar semasa eFD/eFD-i.
9. Amaun deposit maksimum setiap transaksi melalui FPX ialah **Ringgit Malaysia Dua Ratus Ribu (RM200,000)** atau tertakluk kepada amaun maksimum / had pindahan ditetapkan dalam perbankan internet individu Pelanggan Layak yang diselenggarakan dengan bank berkenaan, mengikut mana-mana yang lebih rendah.
10. Pemprosesan Amaun Peletakan eFD/eFD-i mungkin mengambil masa sehingga dua (2) hari berkerja dan dengan itu, tarikh efektif Amaun Peletakan eFD/eFD-i hendaklah bermula selepas prosesnya berjaya disempurnakan dan Bank tidak akan bertanggungjawab atas kelewatan atau kerugian yang mungkin ditanggung oleh Pelanggan Layak kerana masa yang diperlukan untuk memproses peletakan.
11. Amaun Peletakan eFD/eFD-i hanya boleh dibuat menerusi Hong Leong Connect antara 6:00 pagi dengan 12:00 tengah malam, tujuh (7) hari seminggu, atau dalam waktu yang ditetapkan oleh Bank di Hong Leong Connect atas dasar siapa cepat dia dapat. Untuk mengelakkan keraguan, Amaun Peletakan eFD/eFD-i mesti dihantar selewat-lewatnya pada pukul 12:00 tengah malam agar peletakan diterima.
12. Jumlah saiz dana untuk Promosi ini adalah seperti yang diperuntukkan dalam Jadual 2 di bawah (“Had Saiz Dana”):

Jadual 2

eFD/eFD-i	Had Saiz Dana
eFD/eFD-i 3-bulan	RM1 Bilion
eFD/eFD-i 6-bulan	RM1.5 Bilion
eFD/eFD-i 12-bulan	RM1 Bilion
eFD/eFD-i 18-bulan	RM250 Juta
eFD/eFD-i 24-bulan	RM250 Juta
eFD/eFD-i 6-bulan (12 Mei 2021 – 28 Mei 2021)	RM300 Juta
eFD/eFD-i 12-bulan (12 Mei 2021 – 28 Mei 2021)	RM300 Juta

13. Jika Amaun Peletakan eFD/eFD-i melebihi Amaun Peletakan Maksimum eFD/eFD-i yang ditetapkan atau Had Saiz Dana dicapai, Amaun Peletakan eFD/eFD-i yang melebihi Amaun Peletakan Maksimum eFD/eFD-i yang ditetapkan atau Had Saiz Dana akan tertakluk kepada kadar eFD/eFD-i semasa.
14. Pelanggan Layak dikehendaki menamakan CASA/CASA-i yang diselenggarakan dengan Bank di bawah nama individu Pelanggan Layak (“**CASA/CASA-i**” **Namaan**) bagi tujuan mengkreditkan faedah / keuntungan yang diperolehi di bawah Promosi ini. Faedah / keuntungan yang diperolehi akan dikreditkan ke dalam CASA/CASA-i Namaan Pelanggan Layak pada tarikh matang untuk Tempoh 3-bulan atau 6-bulan dan setiap enam (6) bulan untuk Tempoh 12-bulan, 18-bulan atau 24-bulan.
15. Pada tarikh matang, Amaun Peletakan eFD/eFD-i pokok akan diperbaharui secara automatik pada kadar semasa eFD/eFD-i masing-masing atau pengeluaran auto dan dikreditkan ke CASA/CASA-i Namaan, yang telah dipilih oleh Pelanggan Layak semasa peletakan.
16. Jika Amaun Peletakan eFD/eFD-i dikeluarkan sebelum tempoh matang, sama ada secara keseluruhan atau sebahagian, tiada faedah / keuntungan akan dibayar bagi amaun pengeluaran pramatang eFD/eFD-i, tanpa mengira bilangan bulan yang lengkap pada masa pengeluaran sebelum tarikh matang.
17. Bank berhak menolak balik dan debit amaun setara dengan faedah / keuntungan yang dibayar bagi eFD/eFD-i yang dikeluarkan sebelum tarikh matang, daripada Amaun pokok Akaun eFD/eFD-i.

18. Pelanggan HLISB bersetuju melepaskan hak untuk menuntut harga jualan penuh bagi sebarang pengeluaran eFD-i sebelum tarikh matang.
19. Tertakluk kepada fasal 16 Terma dan Syarat Promosi, pengeluaran sebahagian eFD dibenarkan dalam gandaan **Ringgit Malaysia Satu Ribu (RM1,000)** sahaja. Walau bagaimanapun, jika baki eFD kurang daripada **Ringgit Malaysia Lima Ribu (RM5,000)**, pengeluaran sebahagian tidak dibenarkan bagi akaun tersebut.
20. Tertakluk kepada fasal 16 Terma dan Syarat Promosi, pengeluaran sebahagian Amaun Peletakan eFD-i dibenarkan pada amaun minimum **Ringgit Malaysia Tiga Ribu (RM3,000)** dan dengan gandaan **Ringgit Malaysia Satu Ribu (RM1,000)** sahaja. Walau bagaimanapun, jika baki dalam eFD-i kurang daripada **Ringgit Malaysia Lima Ratus (RM500)**, pengeluaran sebahagian tidak dibenarkan bagi akaun tersebut.
21. Amaun Peletakan eFD/eFD-i tidak boleh digunakan sebagai cagaran untuk tujuan menjamin apa-apa kemudahan kredit yang diperolehi atau akan diperolehi oleh Pelanggan Layak. kecuali Amaun Peletakan eFD digunakan sebagai cagaran untuk menjamin Kad Kredit konvensional (iaitu Kad Credit yang dikeluarkan oleh HLB) dengan Bank. Untuk pengaturan janji tersebut, Pelanggan Layak perlu merujuk kepada halaman produk Kad Kredit dengan Deposit Tetap.

## UMUM

22. Dengan menyertai Promosi, Pelanggan bersetuju:
  - (i) telah membaca, memahami dan mematuhi Terma & Syarat Promosi, Terma & Syarat bagi Akaun eDeposit Tetap Hong Leong, Terma & Syarat bagi Deposit Tetap-i Hong Leong and Terma & Syarat Hong Leong Connect;
  - (ii) keputusan Bank atas semua hal berkaitan dengan Promosi ini adalah muktamad dan terikat ke atas semua Pelanggan;
  - (iii) mengakses laman sesawang HLB di [www.hlb.com.my](http://www.hlb.com.my) dan/atau Laman Sesawang HLISB di [www.hlisb.com.my](http://www.hlisb.com.my) (secara kolektif dirujuk sebagai "**Laman Sesawang Bank**") secara kerap untuk menyemak Terma & Syarat dan memastikan sentiasa mengikuti apa-apa perubahan atau pindaan yang dibuat kepada Terma & Syarat;
  - (iv) faedah / keuntungan yang diperolehi tidak boleh dipindah milik kepada mana-mana pihak ketiga (ke-3) dan tidak boleh ditukar untuk kredit, cek atau manfaat semacamnya; dan
  - (v) bertanggungjawab dan menanggung sendiri semua cukai berkenaan, yuran kerajaan atau apa-apa caj lain yang mungkin dikenakan terhadap mereka di bawah undang-undang berkenaan, jika ada, berkaitan dengan penyertaan dalam Promosi ini.
23. Bank berhak:
  - (i) melucutkan kelayakan mana-mana Pelanggan yang dianggap sesuai oleh Bank daripada menyertai Promosi ini;
  - (ii) menambah, menggugurkan, menggantung atau meminda keseluruhan atau sebahagian Terma & Syarat terkandung di dalam ini atau menamatkan Promosi ini dengan cara menyiarkannya dalam Laman Sesawang Bank, atau dengan apa-apa cara yang dianggap sesuai oleh Bank, pada bila-bila masa dengan memberi notis awal; dan
  - (iii) membatalkan faedah / keuntungan yang diperolehi sekiranya Pelanggan Layak tidak mematuhi Terma & Syarat Promosi, Terma & Syarat bagi Akaun eDeposit Tetap Hong Leong, Terma & Syarat bagi Deposit Tetap-i Hong Leong and Terma & Syarat Hong Leong Connect.
24. Terma & Syarat di dalam ini, [Terma dan Syarat Akaun e-Deposit Tetap Hong Leong](#), [Terma dan Syarat Deposit Tetap-i Hong Leong](#) dan Terma & Syarat Hong Leong Connect hendaklah dibaca sebagai suatu perjanjian keseluruhan. Sekiranya terdapat sebarang percanggahan, maka Terma & Syarat tertentu di dalam ini hendaklah diutamakan setakat percanggahan tersebut.
25. Jika terdapat percanggahan antara terma dan syarat dengan bahan pengiklanan, promosi, publisiti dan bahan-bahan lain berkaitan atau bersabit dengan Promosi ini, maka terma dan syarat muktamad dalam Laman Sesawang Bank akan diutamakan.
26. Terma & Syarat ini tertakluk kepada dan ditafsirkan selaras dengan undang-undang Malaysia dan Pelanggan bersetuju untuk akur kepada bidang kuasa Mahkamah-mahkamah Malaysia secara eksklusif.

27. Perkataan yang menandakan satu jantina termasuk semua jantina lain dan perkataan yang menandakan tunggal termasuk jamak dan begitu juga sebaliknya.

**Deposit Tetap Dalam Talian / Deposit Tetap-i Dalam Talian dilindungi oleh PIDM setakat RM250,000 bagi setiap pendeposit.**